

Sigmund Freyherr zu Herberstein / Neyperg vnd
Suetenhag / Obrister Erbeamrer vnd obrister Erbtrucksess
in Kärnten / *ic.* wünscht dem güetigen Leser
glückh vnd hayl.



Nach dem vil von den drittern der welt so ge-
gen Mitternacht gelegen / geschriben / vñ gesagt haben / sonderlich
von den gepürgen vnd vrsprungen der namhaften flüssen / auch der
Völcker sitt vnd wesen / vnd als hievor etliche Porschafft von Kay-
ser Maximilian hochloblichster gedechtnuß zu dem Großfürsten
in die Mosqua gesandt worden / die vil wunderbarlichs auch et-
lichs vnglaublichs dauon gesagt / So sich dann begeben / das mir
auch aufgelegt ward / in dieselben Landt / Poln / vnd Litn / zu Khü-
nig Sigmunden vñ in die Mosqua zu Basilio dem Großfürsten in
Porschafft zurissen / Hat herz Matheus Lang Cardinal zu Saltz-
purg ain hochberümbter erfarnier vnd geliebter Herr / mich ernst-
lichen angesprochen vnd ermont / was warhafftis derselben Land
ort zuerjndern / das ich auf solch ermonen auch sunst für mich selb
mit vleiß gethon / vnd mit dem besten so ich vermügt / verzeichnet /
derhalb zu meiner widerkhunfft hat ermelter Herr Cardinal / bey
dem Kayser in meinem beisein erworben / außser seines beisein mich
in meiner verrichtung nit zuhörn / das also beschehen. Aber nach
absterben Khanser Maximilians durch hezigen Römischen Khü-
nig Ferdinanden *ic.* meinen allergenedigisten Herrn / bin ich aber
mals an die ort verordent / vnd mir sonderlichen beuolhen vnd auf-
gelegt / mich neben der Khan. May. gesandten Graf Leonharden
Nugarolis / des Glaubens / Ceremonien / vnd ander des volckhs
sitt vnd gebreuch / auch des Landes gelegenhait zuerkündigen /
darauf ich des so hievor verzeichnet von newem erforscht vnd erjnd-
ert / welches ich dann mit vil zeügen dermassen gleich beständig
befunden / dasselb für ain gwißhait angenommen / So ich dan nach
erzellung meiner handlung vnd erjnderung erfahren / der Khan.
May. *ic.* vnd dem herren Cardinal dieselben angenehm vnd gefellig
hab ich des alles hochstgedachter jehziger Römische Kha. May. *ic.*

A ij Lateinisch